

四庫全書

經部

欽定四庫全書

左傳杜林合注卷四十八

明 王道焜

趙如源 同編

哀公二

經

癸丑

七年春宋皇瑗帥師侵鄭

瑗子
眷反

○晉魏曼多帥

師侵衛○夏公會吳于鄆

杜鄆今琅邪鄆
縣○鄆才陵反

○秋公伐邾

八月己酉入邾以邾子益來

他國言歸於魯
言來內外之辭

○宋人圍

曹○冬鄭駟弘帥師救曹

林自魯救晉凡晉楚之救皆
不書六十年矣其再見以中

國無伯而諸侯自相救也諸侯自相救猶可也吳救陳諸夏亦幾於亡矣

傳七年春宋師侵鄭鄭叛晉故也

定八年鄭始叛

○晉師侵衛

衛不服也

五年晉伐衛至今未服

○夏公會吳于鄆

吳欲霸中國

吳來

徵百牢子服景伯對曰先王未之有也吳人曰宋百牢

我

是時吳過宋得百牢

魯不可以後宋且魯牢晉大夫過十

杜晉大夫

范鞅也在昭二十一年

吳王百牢不亦可乎景伯曰晉范鞅貪而

棄禮以大國懼敝邑故敝邑十一牢之君若以禮命於

諸侯則有數矣

杜有常數

若亦棄禮則有淫者矣

杜淫過也

周之

王也制禮上物不過十二

上物天子之牢

以為天之大數也

有天

十二次故制禮象之

今棄周禮而曰必百牢亦惟執事吳人弗聽

景伯曰吳將亡矣棄天而背本

杜棄天十二之數背周制禮之本

不與

必棄疾於我

杜放棄曰疾來伐學我

乃與之大宰嚭召季康子

吳嚭

大康子使子貢辭大宰嚭曰國君道長

杜蓋言君長大於道路○長丁

文而大夫不出門此何禮也對曰豈以為禮畏大國也

杜畏大國不敢庭國盡行

大國不以禮命於諸侯苟不以禮豈可量

也

林苟命諸侯不以禮法則其包藏禍心豈可量度

寡君既共命焉其老豈敢

棄其國

林大夫稱老魯君既出會其吳之命令季康子豈敢輕出虛棄國家○共音恭

大伯端

委以治周禮仲雍嗣之斷髮文身羸以為飾豈禮也哉

有由然也

杜大伯周大王之長子仲雍大伯弟也太伯仲雍讓其弟季歷俱適荆蠻遂有民衆大伯

卒無子仲雍嗣立不能行禮致化故效吳俗言其權時制宜以辟災害非以為禮也端委禮衣也林端委端服

委冠也○大音恭斷丁管反羸力果反

反自都以吳為無能為也

棄禮知其不能

也李康子欲伐邾乃饗大夫以謀之子服景伯曰小所

以事大信也大所以保小仁也背大國不信

杜大國吳也

伐

小國不仁民保於城城保於德失二德者危將焉保

杜二

○德信與仁也

○焉於度反 孟孫曰二三子以為何如

怪諸大夫不惡言故指問之

賢而逆之

杜孟孫賢景伯欲使大夫不逆其言惡猶安也林言安有賢如景伯而可不順其言者○

惡音

對曰禹合諸侯於塗山執王帛者萬國

林諸大夫對也諸侯

執王附庸執帛塗山在壽春東北

今其存者無數十焉唯大不字小小

不事大也

杜言諸侯相伐古來以然○數所主反

知必危何故不言

杜知伐邾

必危自當言今不言者不危故也

大夫以答孟孫所怪且阿附季孫魯德如邾而以衆加

之可乎

杜孟孫忿答大夫今魯德無以勝邾但欲恃衆可乎言不可

不樂而出

杜季孟意

○樂音岳又音洛

秋伐邾及范門

杜邾郭門也

猶聞鐘聲

杜邾不
禦寇

大夫諫不聽茅成子請告於吳

杜成子邾大
夫茅夷鴻

不

許曰魯擊柝聞於邾

林柝兩木相擊以行夜也魯邾擊
柝相聞言其近○聞音問又如字

吳二千里不三月不至何及於我且國內豈不足

杜言
足以

距成子以茅叛

林成子知邾必亡故先以其
邑叛杜高平西南有茅鄉亭

師遂入邾

處其公宮衆師晝掠

杜晝掠取財物
也○掠音亮

邾衆保于繹

杜繹
邾山

也在鄒
縣北

師宵掠以邾子益來

杜益邾隱公也晝夜
掠傳言康子無法

獻于

毫社

杜以其亡
國與殷同

囚諸負瑕負瑕故有繹

杜負瑕魯邑高
平南平陽縣西

北有瑕丘城前者魯得邾之繹
民使在負瑕故使相就以辱之

邾茅夷鴻以束帛乘韋

自請救於吳

杜無君命故言自乘繩證反下同

曰魯弱晉而遠吳

林歟晉為弱鄙

吳為

馮恃其衆

杜馮依也馮皮冰反

而背君之盟辟君之執事

杜辟

遠

陋。辟

以陵我小國邾非敢自愛也懼君威之不立

邾

之滅亡不敢自惜所恐懼者吳之威令不能植立

君威之不立小國之憂也若

夏盟於鄆衍

杜鄆衍即鄆也鄆盟不書吳行夷禮禮儀不典非所以結信義故不錄

秋而

背之成求而不違

杜言魯成其所求無違逆也

四方諸侯其何以事

君且魯賦八百乘君之貳也

杜貳敵也魯以八百乘之賦貢于吳言其國大邾

賦六百乘君之私也

杜為私屬

以私奉貳

林以私屬而奉敵國使之強大唯

君圖之吳子從之

為明年吳伐我傳

○宋人圍曹鄭桓子思曰

林子思子產子國參也桓謚也

宋人有曹鄭之患也不可以不救冬鄭

師救曹侵宋初曹人或夢衆君子立于社宮

社社宮社也

而

謀亡曹曹叔振鐸請待公孫彊許之

林請衆君子待公孫彊為政而後亡

曹杜振鐸曹始祖○彊其良反

旦而求之曹無之

林無所謂公孫彊者

戒其子

林夢

者告戒其子

曰我死爾聞公孫彊為政必去之及曹伯陽即

位好田弋曹鄙人公孫彊好弋

林弋繳射也言鄙人小吏也○好呼報反獲

白雁獻之且言田弋之說說之因訪政事大說之有寵

使為司城以聽政夢者之子乃行彊言霸說於曹伯曹

伯從之乃背晉而好宋宋人伐之晉人不救築五邑於

其郊曰黍丘揖丘大城鍾邛

林宋取曹五邑而城築之於其近郊杜為明年入曹

傳也梁國下邑縣西南有黍丘亭。說之音悅下大說同霸說如字又始銳反揖音集又於一反邛音汙

經甲八年春王正月宋公入曹以曹伯陽歸

杜曹人背晉而奸宋

是以致討宋公既還而不忍褚師之詬怒而反兵一舉滅曹滅非本志故以入告林檜亡東周之始曹亡春秋之終夫子之刪詩也繫曹檜於國風之後檜之卒篇曰思周道也傷天下之無王也曹之卒篇曰思治也傷天下之無

伯也

○吳伐我○夏齊人取謹及闡

杜不書伐兵未加而魯與之邑

闡在東平剛縣北。
謹音歡聞尺善反

○歸邾子益于邾。○秋七月。○冬

十有二月癸亥杞伯過卒

杜無傳未同盟而赴以名林僖公卒子閔公維立。○過古

禾○齊人歸謹及闡

不言來命歸之無官使也

傳八年春宋公伐曹將還褚師子肥殿

杜子肥宋大夫殿丁練反

曹人詬之不行

杜詬詈辱也不行殿兵止也。○詬呼豆反

師待之

林曹師見殿兵不行

遂待

公聞之怒命反之遂滅曹執曹伯及司城彊以歸

殺之

終曹人之夢

○吳為邾故將伐魯問於叔孫輒

杜問可伐否輒

故魯人。○叔孫輒對曰魯有名而無情

杜有大國名無情實

伐之

必得志焉退而告公山不狃不狃亦故魯人狃女九反公山不狃

曰非禮也君子違不適讐國杜違奔亡也未臣而有伐之奔

命焉死之可也杜未臣所適之國若有伐本國者則可還奔命死其難所託也則

隱曾所因託則為之隱惡且夫人之行也不以所惡廢鄉不以其私怨惡

廢棄其鄉黨之好○夫音扶行下今子以小惡而欲覆

宗國不亦難乎輒魯公族故謂之宗國○覆芳服反若使子率子必辭王

將使我子張病之杜子張輒也林以其言為已病王問於子洩杜子洩不狃

對曰魯雖無與立綏時若無能自立必有與斃急則人人知懼皆將同死諸侯

將救之未可以得志焉晉與齊楚輔之是四讐也

杜與魯而

四夫魯齊晉之脣脣亡齒寒君所知也不救何為

杜魯居齊

晉之東自吳觀之是為脣

三月吳伐我子洩率故道險從武城

故由險道

欲使魯成備○子洩率絕句故道險絕句

初武城人或有因於吳竟田焉

杜僑

田吳界

拘鄆人之漚管者曰何故使吾水滋

杜鄆人亦僑田吳滋濁也

林鄆人漚漬管草於水而魯人拘執之言何故滋濁我水○漚烏豆反管古顏反滋音茲亦作茲字林云黑也

及吳師至拘者道之以伐武城克之

杜鄆人教吳必可克○道音導

王

犯嘗為之宰澹臺子羽之父好焉國人懼

杜王犯吳大夫故嘗奔魯為武

城寧澹臺子羽武城人孔子弟子也其父與王犯相善國人懼其為內應○澹待甘反好呼報反 懿子

謂景伯若之何

林問吳來伐何以禦之

對曰吳師來斯與之戰何

患焉且召之而至又何求焉

言犯盟伐邾所以召吳

吳師克東陽

而進舍於五梧明日舍于蠶室

林三邑魯地

公賓庚公甲叔

子與戰于夷獲叔子與析朱鉏

杜公賓庚公甲叔子并析朱鉏為三人皆同車

傳互獻於王王曰此同車必使能國未可望也

杜同車能俱死

是國能使人故不可望得

明日舍于庚宗

林每日遷舍見師行速而疾

遂次于泗

上微虎欲宵攻王舍

微虎魯大夫

私屬徒七百人三踊於幕

庭

杜於帳前設格令士試躍之。屬音燭

卒三百人有若與焉

杜卒終也終得三百

人任行有若孔子弟子與在三百人中。與音預

及稷門之內

杜三百人行至稷門

或謂

季孫曰不足以害吳而多殺國士不如已也乃止之吳

子聞之一夕三遷

畏微虎也三息暫反

吳人行成

求與魯成

將盟景伯

曰楚人圍宋易子而食析骸而爨

在宣十五年

猶無城下之

盟我未及虧

林雖被吳師而於國勢未有虧損

而有城下之盟是棄國

也吳輕而遠

林吳師輕窺國又阻遠。輕遺政反

不能久將歸矣請少待

之弗從景伯負載造於萊門

杜以言不見從故負載書將欲出盟。造七報反

乃請釋子服何於吳吳人許之以王子姑曹當之而後

止

林子服何即子服景伯杜釋舍也魯人不以盟為事欲因留景伯為質於吳既得吳之許復求吳王之子

以交質吳人不欲留王子故遂兩止

吳人盟而還

杜不書盟恥吳夷

○齊悼公之

來也

年在五

季康子以其妹妻之即位而逆之季鮒侯通

焉

鮒侯康子叔父。妻七計反鮒音房

女言其情弗敢與也

林女即康子之妹

齊

侯怒夏五月齊鮑牧帥師伐我取譚及闔。或譖胡姬

於齊侯

林胡姬景公妾六年以安孺子如賴者

曰安孺子之黨也六月齊侯

殺胡姬

傳言齊侯無道所以不終

○齊侯使如吳請師將以伐我乃

歸邾子

杜齊未得李姬故請師也吳前為邾討魯懼二國同心故歸邾子

邾子又無道

吳子使大宰子餘討之

杜子餘大宰誥

囚諸樓臺桮之以棘

桮擁

也。桮在薦反

使諸大夫奉大子草以為政

杜草邾大子桓公也為十年邾子來

奔

○秋及齊平九月臧賓如如齊涖盟

杜賓如臧會子

齊閭丘

明來涖盟

杜閭丘明嬰之子也盟不書諱略之

且逆李姬以歸嬖

杜季姬鮒侯所

通○鮑牧又謂羣公子曰使女有馮千乘乎

杜有馮千乘使為君

也鮑牧本不欲立陽生又諷動羣公子。女音汝乘繩證反

公子慙之

林羣公子以鮑牧之言慙

於悼公

公謂鮑子或諧子子姑居於潞

杜潞齊邑

以察之

林以察罪

之有無

若有之則分室以行若無之則反子之所出門使

以三分之一行半道使以二乘及潞麋之以入遂殺之

杜麋亦束縛

○麋丘隕反

○冬十二月齊人歸謹及闍季姬嬖故也

林季姬嬖故

請而歸之也

經

乙卯

九年春王二月葬杞僖公

無傳三月而葬速

○宋皇瑗帥

師取鄭師于雍丘

杜書取覆而敗之雍丘縣屬陳留○雍於勇反

○夏楚人伐

陳○秋宋公伐鄭○冬十月

傳九年春齊侯使公孟綽辭師于吳

齊與魯平故辭吳師

吳子曰

昔歲寡人聞命今又草之不知所從將進受命於君

林言

往歲我聞齊乞師伐魯之命今又欲草而易之不知二命何者當從將進師伐齊以受齊君之命為十年吳伐齊

傳

○鄭武子賸之嬖計瑕求邑無以與之

杜賸罕達也瑕武子之屬

○賸以證反

請外取許之

杜瑕請取於他國

故圍宋雍丘宋皇瑗圍

鄭師

杜許瑕師

每日遷舍

杜作壘壘成輒徙舍合具圍

壘合鄭師哭

林許瑕之

師知不免故哭

子姚救之大敗

杜子姚武子賸也

二月甲戌宋取鄭師

子雍丘使有能者無死

惜其能也

以邾張與鄭羅歸

杜鄭之有能者

○夏楚人伐陳陳即吳故也○宋公伐鄭

杜報雍丘

○秋吳

城邦溝通江淮

於邦江築城穿溝東北通射陽湖西北至宋口入淮通糧道也今廣陵邦江是

音寒

○晉趙鞅卜救鄭遇水適火

杜水火之兆

占諸史趙史

墨史龜

杜皆晉史

史龜曰是謂沈陽

杜火陽得水故沈

可以興兵

杜兵

陰類也故可以興兵

利以伐姜不利子商

姜齊姓子商謂宋林姜火師之後火弱故伐姜

則利子商姓屬水故伐商不利

伐齊則可敵宋不吉史墨曰盈水名也

子水位也

杜趙鞅姓盈宋姓子水盈坎乃行子姓父得北方水位

名位敵不可干

也

杜二水俱盛故言不可干

炎帝為火師

杜神農有火瑞以火名官

姜姓其後也

水勝火伐姜則可史趙曰是謂如川之滿不可游也

杜既

盈而得水位故為如川之
滿不可馮游言其波流盛
鄭方有罪不可救也

杜鄭以嬖寵伐

人故以

為有罪 救鄭則不吉不知其他

救鄭則當伐宋故不吉也

陽貨以周

易筮之遇泰三三

乾下坤上泰

之需三三

乾下坎上需泰六五變

曰宋

方吉不可與也

杜不可與戰泰六五曰帝乙歸妹以祉元吉帝乙紂父立為天子故稱帝乙陰

而得中有似王者嫁妹得如其願受福祿而大吉

微子啓帝乙之元子也宋鄭

甥舅也

杜宋鄭為昏姻甥舅之國宋為微子之後今卜得帝乙卦故以為宋吉

社祿也若

帝乙之元子歸妹而有吉祿我安得吉焉乃止

杜吉在彼則我

伐之為不吉

○冬吳子使來儆師伐齊

前年齊與吳謀伐魯齊既與魯成而止故

吳恨之反與魯謀伐齊

經

丙辰

十年春王二月邾子益來奔

林大子革為政

○公會吳伐

齊

書會從不與謀

○三月戊戌齊侯陽生卒

杜以疾赴故不書弒林悼公卒子簡

公壬立

○夏宋人伐鄭

無傳

○晉趙鞅帥師侵齊○五月公

至自伐齊

無傳

○葬齊悼公

無傳

○衛公孟彊自齊歸于衛

無傳書歸齊納之○彊苦侯反

○薛伯夷卒

杜無傳赴以名故書

○秋葬薛惠公

無傳○冬楚公子結帥師伐陳○吳救陳

杜季子不書陳人來告不以名

林此延州來季子也不書義不在季子也吳救陳諸夏幾於亡也

傳十年春邾隱公來奔

林吳因之使奉天子
革以為政故來奔

齊甥也故

遂奔齊

杜終子
貢之言

○公會吳子邾子邾子邾子伐齊南鄙師于

鄆

杜鄆齊地邾邾不書兵并屬吳
不列於諸侯○鄭音談鄆音息

齊人弒悼公赴于師

以說

吳子三日哭于軍門之外徐承帥舟師將自海入

齊齊人敗之吳師乃還

杜承吳大夫

○夏趙鞅帥師伐齊

書侵以
侵告

大夫請卜之趙孟曰吾卜於此起兵

謂往歲卜
伐宋不吉

利以伐姜
故今興兵

事不再令

再令
讀也

卜不襲吉

林襲重也卜不重
吉讀則不告也

行也於是乎取犂及轅

林犂一名隰濟南有隰
陰縣祝阿縣西有轅城

毀高唐

之郭侵及賴而還。○秋吳子使來復傲師。

伐齊未得志故為明年吳

伐齊傳

○冬楚子期伐陳。

陳即吳故

吳延州來季子救陳。

林延陵州

來皆季札邑故曰延州來季子

謂子期曰二君不務德。

杜二君吳楚

而力爭。

諸侯民何罪焉我請退以為子名。

林以成子期伐陳之名

務德而

安民乃還。

季子吳王壽夢少子也壽夢以襄十二年卒至今七十七歲壽夢卒季子已能讓國年當

十五六至今蓋九十餘

經丁巳十有一年春齊國書帥師伐我。○夏陳轅頗出奔

鄭。

書名貪也。○頗破可反又普多反

○五月公會吳伐齊。○甲戌齊國

書帥師及吳戰于艾陵齊師敗績獲齊國書

杜公與伐而不與戰

艾陵齊地林齊魯交兵止此

○秋七月辛酉滕子虞母卒

杜無傳赴以名故書

之○冬十有一月葬滕隱公

無傳

○衛世叔齊出奔宋

書名淫也

傳十一年春齊為郕故

杜郕在前年為于偽反

國書高無平帥師

伐我及清

杜清齊地濟北廬縣東有清亭○平普悲反

季孫謂其宰冉求

冉求

魯人孔子弟子

曰齊師在清必魯故也若之何求曰一子守

林

子謂季孫守國○守手又反

二子從公禦諸竟季孫曰不能

杜自度力不能

使二子禦諸竟○從如字又才用反

求曰居封疆之間

杜封疆竟內近郊之地

季孫

告二子

杜二子叔孫孟孫也

二子不可求曰若不可則君無出一

子帥師背城而戰

林若二子不可則魯君無用親出季孫自帥魯師背城而與齊戰於城下

不屬者非魯人也

杜屬臣屬也言不戰為不臣

魯之羣室衆於齊之

兵車

杜羣室都邑居家

一室敵車優矣

林一都之衆敵齊之兵車有餘用

子何

患焉二子之不欲戰也宜政在季氏

言二子恨季氏專政故不盡力。二

子之不欲戰也宜絕句

當子之身齊人伐魯而不能戰子之恥也

大不列於諸侯矣季孫使從於朝

杜使冉求隨已之公朝

俟於黨

氏之溝

黨氏溝朝中地名。黨音掌

武叔呼而問戰焉

林武叔即叔孫州仇杜問

求對曰君子有遠慮小人何知懿子強問之對曰小人

慮材而言量力而共者也

林小人冉求自稱杜言子所問非已材力所及故不能言

○強其文反共音恭

武叔曰是謂我不成丈夫也

杜知冉求非已不欲戰故不對

退而蒐乘

杜蒐閱乘繩證反

孟孺子洩帥右師

杜孺子孟懿子之子武伯彘

顏羽御邠洩為右

杜二子孟氏臣

冉求帥左師管周父御樊遲

為右

杜樊遲魯人孔子弟子樊遲須。父音甫

季孫曰須也弱有子曰就用

命焉

杜須年少能用命有子冉求也

季氏之甲七千冉有以武城入三

百為已徒卒

杜步兵精兵

老幼守宮次于雩門之外

杜南城門也

雩音

五日右師從之

林右師孟孺子洩所帥之師也五日乃從言不欲戰

公叔務

人

杜務人公為昭公子

見保者而泣

杜保守城者

曰事克

杜繇

政重

賦

多

上不能謀士不能死何以治民吾既言之矣敢不勉

乎

杜既言人不能死已不敢不死

師及齊師戰于郊齊師自稷曲

杜稷曲郊

地

師不踰溝樊遲曰非不能也不信子也

林言魯師非不能踰溝也

不信子之號令也

請三刻而踰之

與衆三刻約信

如之衆從之

杜如樊遲言乃

踰師入齊軍

冉求之師

右師奔齊人從之

遂右師

陳瓘陳莊涉

泗

林二陳齊大夫涉泗水以從魯師○瓘古喚反

孟之側後入以為殿

杜之側孟氏族

也字反。抽矢策其馬曰馬不進也。伐善林不狃之伍

曰走乎。杜不狃魯士五人不狃曰誰不如。杜我不如曰

然則止乎不狃曰惡賢。言止戰惡足為賢皆無戰志。惡音烏徐步而死

徐行而死言魯非無壯士但李孫不能使師獲甲首八十。杜冉求齊人不能

師。杜不能宵諜曰齊人遁。杜諜冉有請從之三。林請逐齊師之

奔季孫弗許孟孺子語人曰我不如顏羽而賢於邴洩

杜二子與孟孺子同車。語魚據反。子羽銳敏。杜子羽顏羽銳精也敏疾也言欲戰我不欲

戰而能默。心雖不欲洩曰驅之。言驅馬欲奔公為與其嬖僮

汪錡乘皆死皆殞

杜皆俱也。錡魚綺反乘繩證反。

孔子曰能執干戈

以衛社稷可無殞也

時人疑童子當殞

冉有用矛於齊師故能

入其軍孔子曰義也

杜言能以義勇不書戰不皆陳也不書敗勝負不殊

○夏陳

轅頗出奔鄭初轅頗為司徒賦封田以嫁公女

封內之田悉賦

之稅有餘以為己大器

杜大器鐘鼎之屬

國人逐之故出道渴其

族轅咺進稻醴梁糗臠脯焉

林以稻米為醴酒糗乾飯以梁米為乾飯加薑桂曰

脯○咺况阮反糗起九反臠丁亂反

喜曰何其給也對曰器成而具

林所鑄大

器方成即具此醴糗之屬

曰何不吾諫對曰懼先行

恐言不從先見逐

○為

邾戰故公會吳子伐齊

欲以報也。為于偽反。

五月克博士申至

于贏

杜博贏齊邑也。二縣皆屬泰山。

中軍從王

杜吳中軍。

胥門巢將上軍王

子姑曹將下軍展如將右軍

杜三將吳大夫。

齊國書將中軍高

無平將上軍宗樓將下軍陳僖子謂其弟書爾死我必

得志

杜書子占也。欲獲死事之功。

宗子陽與閭丘明相厲也

杜相勸厲致死。

子陽宗樓也。

桑掩胥御國子

杜國子國書。

公孫夏曰二子必死

杜亦。

勸勉也。

將戰公孫夏命其徒歌虞殯

虞殯送葬歌曲亦必死。

陳子行

命其徒具含玉

杜子行陳逆也。具含玉亦示必死。行如字又戶郎反。

公孫揮命

其徒曰人尋約吳髮短

杜約繩也八尺為尋吳髮短欲以繩貫其首

東郭書

曰三戰必死於此三矣

杜三戰夷儀五氏與今

使問弦多以琴

杜

多齊人也六年奔魯問遺也

曰吾不復見子也

言將死戰

陳書曰此行也

吾聞鼓而已不聞金也

鼓以進軍金以退軍不聞金言將死也傳言吳師逼齊人皆自

知將敗

甲戌戰于艾陵展如敗高子

杜齊上軍敗

國子敗胥門

巢

杜吳上軍亦敗

王卒助之大敗齊師獲國書公孫夏閭丘明

陳書東郭書革車八百乘甲首三千以獻于公

杜公以兵從故

以勞公

將戰吳子呼叔孫

叔孫武叔州仇

曰而事何也

杜問何職

對曰從司馬

從吳司馬所命

王賜之甲劔鉞曰奉爾君事敬無

廢命叔孫未能對衛賜進

杜賜子貢孔子弟

曰州仇奉

甲從君而拜

杜拜受之

公使大史固歸國子之元

杜歸於齊也元首也

吳以獻魯

寘之新篋製之以玄纁

林製薦也製薦其首以玄纁之服○製音尉

加

組帶焉寘書于其上曰天若不識不衷何以使下國

林衷

善也下國魯自稱即天而言故稱下國杜言天識不善故殺國子

○吳將伐齊越子率

其衆以朝焉王及列士皆有饋賂吳人皆喜唯子胥懼

曰是豢吳也夫

杜豢養也若人養犧牲非愛之將殺之○夫音扶

諫曰越在我

心腹之疾也壤地同而有欲於我杜欲得吳夫其柔服求濟

其欲也不如早從事焉杜從事擊之得志於齊猶獲石田也

無所用之杜石田不可耕越不為沼吳其泯矣使醫除疾而曰

必遺類焉者未之有也盤庚之誥曰其有顛越不共則

剿殄無遺育無俾易種子茲邑杜盤庚商書也顛越不共從橫不承命者也剿

割也殄絕也育長也俾使也易種轉生種類共音恭剿魚罷反殄大興反種章勇反是商所以

興也今君易之杜言除惡去根此商所由以興今君欲反易其道留惡易種將以求

大不亦難乎弗聽使於齊屬其子於鮑氏為王孫氏杜私

使人至齊屬其子改姓為王孫欲以反役王聞之使賜辟吳禍。使所吏反屬音燭下同

之屬鏤以死

杜父陵役也屬鏤劍名鏤力俱反又力侯反

將死曰樹吾墓櫨

櫨可材也吳其亡乎三年其始弱矣盈必毀天之道也越杜

人朝之伐齊勝之盈之極也為十三年越伐吳起本

○秋季孫命修守備曰小勝

大禍也齊至無日矣

善有備守手又反

○冬衛大叔疾出奔宋

杜疾即齊也

初疾娶于宋子朝

子朝宋人仕衛為大夫

其娣嬖

杜娣所娶女之

娣子朝出

出奔

孔文子使疾出其妻而妻之

林自以其女妻大叔疾

妻之七計反

疾使侍人誘其初妻之娣寘於犂

犂衛邑

而為之

一宮

林別為一宮以居之

如二妻文子怒欲攻之仲尼止之遂奪

其妻或淫于外州

林孔文子遂奪其女不嫁大叔疾大

外州人奪之軒以獻

杜軒車也

恥是二者故出

林大

妻奪軒二事為恥故出奔

衛人立遺使室孔姑

杜遺疾之弟孔姑孔文子之女疾之妻

姑其乙反

疾臣向魍

為宋向魍臣魍徒回反

納美珠焉與之城鉏

杜城鉏宋

邑

宋公求珠魍不與由是得罪及桓氏出

林桓氏即向魍出在十四

年城鉏人攻大叔疾衛莊公復之

杜魍使還

使處巢死焉殯

于鄆葬于少禘

杜終言疾之失所也巢鄆少禘皆衛地○鄆音云少詩照反

初晉悼

公子慙亡在衛使其女僕而田

杜僕御田獵

大叔懿子止而

飲之酒

杜懿子大叔儀之孫。飲於鵠反。

遂聘之生悼子

杜悼子大叔疾

悼子

即位故夏成為大夫

杜夏戌悼子之甥

悼子亡衛人翦夏戌

杜翦

削其爵邑

孔文子之將攻大叔也訪於仲尼仲尼曰胡簋之

事則嘗學之矣

胡簋禮器名夏曰胡周曰簋。簋音軌。

甲兵之事未之聞

也退命駕而行曰鳥則擇木木豈能擇鳥

林以鳥自喻以木喻孔文

子文子遽止之曰圉豈敢度其私訪衛國之難也

林圉文子

名度謀也。度待洛反難乃且反。

將止

仲尼止

魯人以幣召之乃歸

於是自衛

反魯樂正雅
頌各得其所

○季孫欲以田賦

丘賦之法因其田財通出馬一匹牛三頭今欲

別其田及家財各為一賦故言田賦

使冉有訪諸仲尼仲尼曰丘不識也

林言不識其可行與否

三發

杜三發問

卒曰

卒終也

子為國老待子而行

若之何子之不言也仲尼不對

杜不答

而私於冉有曰君

子之行也

杜行政事

度於禮施取其厚事舉其中斂從其薄

如是則以丘亦足矣

杜丘十六井出戎馬一匹牛三頭是賦之常法

若不度於

禮而貪冒無厭則雖以田賦將又不足且子季孫若欲

行而法則周公之典在若欲苟而行又何訪焉弗聽

為明

年用田
賦傳

經戊午

十有二年春用田賦

杜直書之者以示改法重賦林以丘賦一乘為未足又以

田賦之也田賦之也者家一人也家一人管子內政之法也諸侯之益兵自齊始晉次之州兵是也春秋之季

魯亦行之也是故作丘甲用田賦不書初

○夏五月甲辰孟子卒

杜魯人諱娶同姓謂

之孟子春秋不改所以順時

○公會吳子橐皋

橐皋在淮南逄道縣東南○橐章夜反一

音託

○秋公會衛侯宋皇瑗于鄆

林卒辭吳盟杜鄆發陽也廣陵海陵縣東南有

發縣

○宋向巢帥師伐鄭○冬十有二月螽

杜周十二月今十月

是歲應置閏而失不置雖書十二月實今之九月司歷誤一月九月之初尚溫故得有螽

傳十二年春王正月用田賦

終前年事

○夏五月昭夫人孟

子卒昭公娶于吳故不書姓

諱娶同姓故謂之孟子若宋女

死不赴故

不稱夫人

不稱夫人故不言薨

不反哭故不言葬小君

反哭者夫人禮也以

同姓故不成其夫人喪

孔子與弔適季氏季氏不綽放經而拜

杜

子始老故與弔也綽喪冠也孔子以小君禮往弔季孫不服喪故去經從主簡制。與音預綽音素

○公

會吳于橐臯吳子使大宰嚭請尋盟

杜尋鄭盟

公不欲使子

貢對曰盟所以周信也

杜言為盟者所以周固其誠信也

故心以制之

杜制其義

玉帛以奉之

杜奉贊明神

言以結之

杜結其信

明神以要之

杜要以禍福
○要一遙反

寡君以為苟有盟焉弗可改也已若猶可

改日盟何益今吾子曰必尋盟若可尋也亦可寒也

杜尋

重也寒
歌也

乃不尋盟○吳徵會于衛初衛人殺吳行人且

姚而懼謀于行人子羽

子羽衛大夫
○且子餘反

子羽曰吳方無道

無乃辱吾君不如止也子木曰吳方無道

杜子木
衛大夫

國無

道必棄疾於人吳雖無道猶足以患衛

杜為衛
患也

往也長

木之斃無不標也

林譬如長木斃踣於地不擇物而
後標擊之○標數蕭反又普交反

狗之瘕無不噬也

林譬如國狗狂瘕噬人不擇
人而後噬齧之○瘕吉世反

而況大

國乎秋衛侯會吳於鄆公及衛侯宋皇瑗盟

杜盟不肯畏吳竊盟

而卒辭吳盟吳人藩衛侯之舍

林吳人執衛侯作藩籬圍其館舍以困辱之

子服景伯謂子貢曰夫諸侯之會事既畢矣侯伯致禮

地主歸餼

杜侯伯致禮以禮賓也地主所會主人也餼生物

以相辭也

杜名以禮相傳

讓今吳不行禮於衛而藩其君舍以難之

杜難苦困也難乃旦反

子盍見大宰乃請束錦以行

林子端為束以賂吳

語及衛故

若本

不為衛請者

大宰嚭曰寡君願事衛君衛君之來也緩寡君

懼故將止之

杜止執

子貢曰衛君之來必謀於其衆其衆

或欲或否是以緩來其欲來者子之黨也其不欲來者

子之讐也若執衛君是墮黨而崇讐也

墮毀也。墮許規反下同

夫

墮子者得其志矣

林衛之墮毀吳人不欲來會者其言驗故得志

且合諸侯而

執衛君誰敢不懼墮黨崇讐而懼諸侯或者難以霸乎

大宰嚭說乃舍衛侯衛侯歸效夷言

林學為吳人方言說音悅下同舍

音捨又音敕

子之尚幼

杜子之公孫彌牟

曰君必不免其死於夷乎

執焉而又說其言從之固矣

林從夷之心固不可改矣衛公輒後卒死於越

冬十二月螽

林時已閉螽猶有螽災

季孫問諸仲尼仲尼曰丘聞

之火伏而後蟄者畢

杜火心星也火伏在今十月

今火猶西流司歷

過也

杜猶西流言未盡沒知是九月歷官失一閏釋例論之備

○宋鄭之間有隙地

焉

杜隙地間田

曰彌作頃丘玉暢出戈錫

凡六邑○彌亡支反又亡爾反頃苦

穎反又音順出五咸反錫音羊又星歷反

子產與宋人為成曰勿有是

林約二國

俱棄之

及宋平元之族自蕭奔鄭

在定十五年

鄭人為之城出

戈錫

杜城以處平元之族○為于偽反

九月宋向巢伐鄭

林以鄭背盟城三邑故討

之取錫殺元公之孫遂圍出十二月鄭罕達救出丙申

圍宋師

杜此事經在十二月蠡上今倒在下更具列其月以為別者丘明本不以為義例故不皆齊同

經已未十有三年春鄭罕達帥師取宋師于岳書取覆而敗之○

夏許男成卒

林無傳元公卒

○公會晉侯及吳子于黃池杜陳留封

丘縣南有黃亭近濟水夫差欲霸中國尊天子自去其僭號而稱子以告令諸侯故史承而書之林書會晉侯

及吳子兩伯之辭也○楚公子申帥師伐陳無傳○於越入吳○秋

公至自會

無傳

○晉魏曼多帥師侵衛無傳

○葬許元公無傳

○九月螽無傳○冬十有一月有星孛于東方無傳

旦衆星

皆沒而孛乃見故不言所在之次

○盜殺陳夏區夫

無傳稱盜非大夫區烏侯反○

十有二月螽

無傳前年季孫雖聞仲尼之言而不正厯失閏至此年故復十二月螽實十一月

傳十三年春宋向魋救其師

救前年
圍岳師

鄭子賡使徇曰

林

子賡即
罕達

得桓魋者有賞魋也逃歸遂取宋師于岳獲成

謹郤廷

鄭子宋大夫○謹火官
反郤古報反又古毒反

以六邑為虛

空虛之
名不有○

夏公會單平公晉定公吳夫差于黃池

杜平公周卿士
也不書尊之不

與會○
單音善

○六月丙子越子伐吳為二隧

隧通

疇無餘謳

陽自南方

二子越
大夫

先及郊吳太子友王子地王孫彌庸

壽於姚自泓上觀之

杜觀越師泓水
名○泓烏宏反

彌庸見姑蔑之旗

杜姑蔑越地今
東陽大宋縣

曰吾父之旗也

杜彌庸父為越所獲
故姑蔑人得其旌旗不

可以見讐而弗殺也。太子曰：戰而不克，將亡國，請待之。

彌庸不可屬，徒五千。

屬會也。屬音燭。

王子地助之。乙酉，戰彌

庸，獲疇無餘地，獲謳陽。越子至，王子地守。

林守國。守下又反。

丙

戌，復戰，大敗吳師，獲太子友、王孫彌庸，壽於姚。

杜地守，故不獲。

丁亥，入吳。吳人告敗于王，王惡其聞也。

杜惡諸侯聞之，惡烏路反。

自劉七人於幕下。

杜以絕口。

○秋七月辛丑，盟吳、晉，爭先。

歎血先後。

吳人曰：於周室，我為長。

杜吳為大伯後，故為長。○長丁文反，下同。

晉人

曰：於姬姓，我為伯。

杜為侯伯。

趙鞅呼司馬寅。

杜寅，晉大夫。

曰：日旰

矣

杜肝晚也。肝古旦反。

大事未成二臣之罪也

杜大事盟也。二臣鞅與寅。建

鼓整列二臣死之長幼必可知也

林勝者為長負者為幼必可知也。對

曰請姑視之反曰肉食者無墨

杜墨氣生下林言肉食爵祿之人無氣色下者

今吳王有墨國勝乎

杜國為敵所勝

太子死乎且夷德輕不忍

久請少待之

杜少待無與爭

乃先晉人

杜盟不書諸侯恥之故不錄

吳人將

以公見晉侯子服景伯對使者曰王合諸侯則伯帥侯

牧以見於王

杜伯王官伯侯牧方伯見賢通反使所吏反

伯合諸侯則侯帥

子男以見於伯

杜伯諸侯長

自王以下朝聘玉帛不同故敵

邑之職貢於吳有豐於晉無不及焉以為伯也今諸侯

會而君將以寡君見晉君則晉成為伯矣敝邑將改職

貢魯賦於吳八百乘若為子男

林若吳以魯見晉侯是魯為子男之國○乘繩

證反

則將半邾以屬於吳

杜半邾三百乘

而如邾以事晉

杜如邾六

百且執事以伯召諸侯而以侯終之何利之有焉吳人

乃止既而悔之

林謂景伯欺之

將囚景伯景伯曰何也立後於

魯矣

杜何景伯名林言已立後不避囚執

將以二乘與六人從遲速唯

命遂囚以還及戶牖

杜戶牖陳留外黃縣西北東昏城是○從才用反

謂大宰

曰魯將以十月上辛有事於上帝先王季辛而畢何世

有職焉

杜有職於祭事

自襄以來未之改也

杜魯襄公

若不會祝宗

將曰吳實然

杜言魯祝宗將告神云景伯不會坐為吳所因吳人信鬼故以是恐之

且謂

魯不共而執其賤者七人何損焉

林景伯非卿故言賤者七人

大宰

嚮言於王曰無損於魯而祇為名

適為惡名。共音恭祇音支

不如

歸之乃歸景伯吳申叔儀乞糧於公孫有山氏

杜申叔儀吳大

夫公孫有山魯大夫舊相識

曰佩玉藥兮余無所繫之

杜藥然服飾備也己獨無

以繫佩言吳王不恤下藥而撫反又而水反

旨酒一盛兮余與褐之父睨之

杜一盛一罷也。睨視也。褐寒賤之人言。但得視不得飲。盛音成。又市政反。父如字。又音甫。

對曰梁

則無矣。麤則有之。

林梁精美也。

若登首山以呼曰庚癸乎。則

諾。

林蓋有山氏。素備糧食。登山待其呼。則諾而與之也。杜軍中不得出糧。故為私隱。庚西方主穀。癸北方主

水。傳言吳子不與士共飢渴。所以亡。

王欲伐宋。殺其丈夫。而囚其婦人。

杜

宋不會黃池。故言吳子惇惑。

大宰嚭曰。可勝也。而弗能居也。

杜吳強宋弱。故

可必勝。吳去宋遠。故不能居。

乃歸冬。吳及越平。

杜終伍員之言。

左傳杜林合注卷四十八

欽定四庫全書

左傳杜林合注卷四十九

明 王道焜

趙如源 同編

哀公三

經

庚申

十有四年春西狩獲麟

麟者仁獸聖王之嘉瑞也時無明王出而遇獲仲尼

傷周道之不興感嘉瑞之無應故因魯春秋而修中興之教絕筆於獲麟之一句所感而作固所以為終也冬獵曰狩蓋虞人修常職故不書狩者大野在魯西故言西狩得用曰獲

小邾射以句繹來奔

射小邾大夫句繹地名春秋止于獲麟故射不在三叛人之數

自此以下至十九年皆魯史記之文弟子欲存孔子卒故并錄以續孔子所修之經。射音亦句古候反

○夏四月齊陳恒執其君寘于舒州○庚戌赦還卒

無傳

○五月庚申朔日有食之

無傳

○陳宗豎出奔楚

無傳

○宋向魋入于曹以叛

曹宋邑

○莒子狂卒

無傳

○狂其廷反

○六月宋向魋自曹出奔衛宋向巢來奔○齊人弑其

君壬于舒州○秋晉趙鞅帥師伐衛

無傳

○八月辛丑仲

孫何忌卒○冬陳宗豎自楚復入于陳陳人殺之

無傳

○陳轅買出奔楚

無傳

○有星孛

無傳不言所

在史失之

○饑

無傳

傳十四年春西狩于大野叔孫氏之車子鉏商獲麟

杜大

野在高平鉅野縣東北大澤是也車子微者鉏商名

以為不祥以賜虞人

時所未嘗

見故怪之虞人掌山澤之官

仲尼觀之曰麟也然後取之

言魯史所以得

書獲麟

○小邾射以句繹來奔曰使季路要我吾無盟

矣

杜子路信誠故欲得與相要誓而不須盟孔子弟子既續書魯策以繫于經丘明亦隨而傳之終于

哀公以卒前事其異事則皆略而不傳故此經無傳者多○要于妙反又一遙反

使子路子

路辭季康子使冉有謂之曰千乘之國不信其盟而

信子之言子何辱焉

林何辱于子而不與邾射要言○乘繩證反

對曰魯

有事于小邾不敢問故死其城下可也

林言魯若有征伐之事于

小邾不敢問其伐之之故雖使我戰死于小邾之城下其亦可也

彼不臣

林彼謂邾射竊地叛

君不臣于小邾而濟其言是義之也由弗能

杜濟成也

○齊簡公

之在魯也闕止有寵焉

杜簡公悼公陽生子壬也闕止子我也事在六年○闕苦

暫反及即位

林在十年

使為政陳成子憚之驟顧諸朝

林成子陳

常心不安故數顧之

諸御鞅言于公

鞅齊大夫

曰陳闕不可並也君

其擇焉

擇用人

弗聽子我夕

夕視事

陳逆殺人逢之

杜陳逆子

行陳氏宗也

遂執以入

執逆至朝

陳氏方睦

欲謀齊國故宗族和

使

疾而遺之潘沐備酒肉焉

林使詐病因內潘沐并得內酒肉潘米汁可以沐頭

○遺唯季反

潘方表反 饗守囚者醉而殺之而逃子我盟諸陳

于陳宗

失陳逆懼其反為患故盟之

初陳豹欲為子我臣

豹亦陳氏族

使公孫言已

言已介達之

已有喪而止既而言之

既終曰喪也

有陳豹者長而上僂

杜肩背僂○長如字又丁丈反僂力主反

望視目望陽

事君子必得志

林君子謂闕止言若使服事闕止必得君子之意

欲為子臣

吾憚其為人

杜恐多詐

故緩以告子我曰何害是其在

我也

林言陳族何害在我用之而已

使為臣他日與之言政說遂有

寵謂之曰我盡逐陳氏而立女若何對曰我遠于陳

氏矣

杜言已疏遠○說音悅女音汝遠如字又于萬反

且其違者不過數人

杜違不從也

何盡逐焉遂告陳氏子行曰

林子行即陳逆

彼得君

弗先必禍子子行舍于公宮

子行逃而隱于陳氏今又隱于公宮

夏五

月壬申成子兄弟四乘如公

成子之兄弟昭子莊簡子齒宣子夷穆子安廩

丘子意茲○子盈惠子得凡八人二人共一乘

子我在幄

幄帳也聽政之處

出逆之

遂入閉門

杜子成入反閉門不納子我

侍人禦之

杜子我侍人

子行殺

侍人

杜素在內故得殺之

公與婦人飲酒于檀臺成子遷諸寢

杜徒公使居正寢

公執戈將擊之

杜疑其欲作亂

大史子餘曰非不

利也將除害也

杜言將為公除害○大音泰

成子出舍于庫

杜以公怒

故

聞公猶怒將出曰何所無君

林言何國無君可事

子行抽劔

曰需事之賊也

杜言需疑則害事

誰非陳宗

言陳氏宗族衆多

所不

殺子者有如陳宗

言子若欲出我必殺子明如陳宗

乃止子我歸屬

徒攻闥與大門

林屬會也杜闥宮中小門大門公門也○屬之欲反

皆不勝乃

出陳氏追之失道于弇中適豐丘

杜弇中狹路豐丘陳氏邑○弇於檢

反又音淹

豐丘入執之以告

林執闥止以告陳氏

殺諸郭闥

杜齊闥名

成

子將殺大陸子方

子方子我臣

陳逆請而免之以公命取

車于道

杜子方取道中行人車

及邠衆知而東之

知其矯命奪車逐使東。

邠音而

出雍門

齊城門也。雍于用反。

陳豹與之車弗受曰逆為

余請豹與余車余有私焉

林言陳逆為我請免罪陳豹以車送我出奔是我有

私于陳氏為于偽反。

事子我而有私于其讐何以見魯衛之

士

林子方欲奔衛故言無以見魯衛之士杜傳言陳氏務施

東郭賈奔衛

杜賈即子方

庚辰陳恒執公子舒州公曰吾早從鞅之言不及此

杜悔不誅陳氏

○宋桓魋之寵害于公

林桓魋恃寵驕盈為景公之患害

公

使夫人驟請享焉而將討之

杜夫人景公母也數請享飲欲因請討之未

及魋先謀公請以鞍易薄

鞍向魋邑薄公邑欲因易邑爲公享宴而作亂○鞍

音安

公曰不可薄宗邑也

宗廟所在

乃益鞍七邑而請享公

焉

杜偽喜于受賜

以日中爲期家備盡往

林私家甲兵之備盡往享所公

知之告皇野曰余長魋也

杜少長育之皇野司馬子仲○長丁父反今將

禍余請即救司馬子仲曰有臣不順神之所惡也而

况人乎敢不承命不得左師不可

杜左師向魋兄向巢也○惡烏路反

請以君命召之左師每食擊鐘聞鐘聲公曰夫子將

食既食又奏

杜奏樂

公曰可矣以乘車往

林使皇野以乘車往迎向

巢曰迹人來告

杜主迹禽獸者

曰逢澤有介麋焉

林地理志言逢澤在

滎陽開封縣東北遠疑非介大也。麋亡悲反

公曰雖魑未來得左師吾與

之田若何

皇野稱公命

君憚告子

難以游戲頻大臣

野曰嘗私焉

林嘗試私請焉

君欲速故以乘車逆子與之乘至公告之故

拜不能起

林向巢下拜懼不能起

司馬曰

林即司馬子仲皇野也

君與之

言

杜使公與要誓

公曰所難子者上有天下有先君

杜言雖誅魑要

不負言使禍難及子。難乃且反

對曰魑之不共宋之禍也敢不唯

命是聽司馬請瑞焉

杜瑞符節以發兵

以命其徒攻桓氏

杜

氏向

其父兄故臣曰不可

司馬故臣與桓魋無怨者

其新臣曰從

吾君之命遂攻之子願騁而告桓司馬

子願桓魋弟桓司馬即魋

也○願音祈

司馬欲入

林司馬桓司馬也欲入攻君

子車止之

杜車亦魋弟

曰不能事君而又伐國民不與也祇取死焉向魋遂

入于曹以叛

哀八年宋滅曹以爲邑○祇音支

六月使左師巢伐之

欲質大夫以入焉

杜巢不能克魋恐公怒欲得國內大夫爲質還入國○質音致下同

不能亦入于曹取質

杜不能得大夫故入曹劫曹魋人子弟而質之欲以自固

曰不可既不能事君又得罪于民將若之何乃舍之

舍曹子弟○舍音赦又音捨

民遂叛之向魍奔衛向巢來奔宋公

使止之曰寡人與子有言矣不可以絕向氏之祀辭

曰臣之罪大盡滅桓氏可也若以先臣之故而使有

後君之惠也若臣則不可以入矣司馬牛致其邑與

珪焉而適齊

杜牛桓魋弟也珪字邑符信

向魍出于衛地公文氏

攻之

公文氏衛大夫

求夏后氏之璜焉與之他玉而奔齊陳

成子使為次卿司馬牛又致其邑焉而適吳

杜亦不與魍同

吳人惡之而反趙簡子召之陳成子亦召之卒于魯

郭門之外阮氏葬諸丘與

杜阮氏魯人也泰山南城縣西北有興城錄其卒葬

所在愍賢者失所。

阮苦庚反或音岡

○甲午齊陳恒弑其君壬子舒

州

杜士簡公也

孔丘三日齊而請伐齊三公曰魯為齊弱

久矣子之伐之將若之何對曰陳恒弑其君民之不

與者半以魯之衆加齊之半可克也公曰子告季孫

孔子辭

杜辭不告○日齊側皆反三如字又息暫反

退而告人曰吾以從

大夫之後也故不敢不言

杜嘗為大夫而去故言後

○初孟孺子

洩將圉馬于成

杜洩孟懿子之子孟武伯也圉畜養也成孟氏邑

成宰公孫

宿不受曰孟孫為成之病不圉馬焉

杜病謂民貧困為于偽反

孺子怒襲成從者不得入乃反成有司使孺子鞭之

林成備禦嚴固孺子之從者不得入成孺子乃歸成有司使者至孟氏孺子恨恚故鞭成有司之使人。

從才用反秋八月辛丑孟懿子卒成人奔喪弗內袒

免哭于衢聽共弗許

杜謂聽命共使。內如字又音納袒音但免音問共音恭懼

不歸

不敗歸成為明年成叛傳

經辛酉十有五年春王正月成叛。夏五月齊高無平出

奔北燕

無傳

○鄭伯伐宋

無傳

○秋八月大雩

無傳

○晉趙

鞅帥師伐衛

無傳

○冬晉侯伐鄭

無傳

○及齊平

魯與齊平

○

衛公孟彊出奔齊

無傳○彊苦侯反

傳十五年春成叛于齊武伯伐成不克遂城輸

杜以偏成

○

夏楚子西子期伐吳及桐汭

林宣城德縣西南有桐水出白石山西北入

丹陽湖油水曲也○汭始銳反

陳侯使公孫貞子弔焉

杜弔為楚所伐

及良

而卒

良吳地

將以尸入

聘禮若賓死未將命則既歛于棺造于朝介將命

吳子

使大宰嚭勞且辭曰以水潦之不時無乃廩然隕大

夫之尸

林慮然傾動貌恐傾動墮貞子之棺。勞力報反。

以重寡君之憂寡

君敢辭上介芋尹蓋對

杜蓋陳大夫貞子上介林上介正使也。○重直用反敢辭

上介絕句芋于付反

曰寡君聞楚為不道薦伐吳國

薦重也

滅厥

民人寡君使蓋備使弔君之下吏

林備猶副也言下吏不敢斥尊。○備

使所吏反下同

無祿使人逢天之感大命隕隊絕世子良

杜絕世猶言弃

世廢日共積

廢行道之日以共具殯歛所積聚之用。○共音恭積子賜反又如字

一日

遷次

一日便遷次不敢留君命

今君命逆使人曰無以尸造于門

是我寡君之命委于草莽也且臣聞之曰事死如事

生禮也于是乎有朝聘而終以尸將事之禮

朝聘道死以尸

行又有朝聘而遭喪之禮

杜遭所聘之喪

若不以尸將命是

遭喪而還也無乃不可乎

林若聘使道死不得以尸將命是遭所朝聘之喪則

須自還也即此較彼不可明矣

以禮防民猶或踰之今大夫曰死而

棄之是棄禮也其何以為諸侯主

杜謂主盟也

先民有言

曰無穢虐士

杜虐士死者林無以死者為穢惡

備使奉尸將命苟我

寡君之命達于君所雖隕于深淵則天命也非君與

涉人之過也

林雖使尸柩隕于深淵之中則上天一定之命也非吳君與舟人濟涉之故

吳人內之

傳言平尹蓋知禮
內如字又音納

○秋齊陳瓘如楚

瓘陳恒之

兄子玉也

過衛仲由見之

杜仲由子路
過古禾反

曰天或者以陳氏

為斧斤既斷喪公室而他人有之不可知也其使終

饗之亦不可知也

杜饗受也
喪息浪反

○若善魯以待時不亦

可乎何必惡焉

仲由事孔子
故為魯言

子玉曰然吾受命矣子

使告我弟

杜弟成子也

冬及齊平子服景伯如齊子贛為

介見公孫成

杜公孫成成宰公孫宿也

曰人皆臣人而有背人之

心況齊人雖為子役其有不貳乎

杜言子叛魯齊人亦將叛子○背音

佩子周公之孫也多饗大利猶思不義利不可得而

喪宗國將焉用之

杜喪宗國謂以邑入齊使魯有危亡之禍○焉於虔反

成曰

善哉吾不早聞命

傳言仲尼之徒皆忠于魯國

陳成子館客

使景伯子

贛就館

曰寡君使恒告曰寡人願事君如事衛君

言衛與齊

同好而魯未肯

景伯揖子贛而進之對曰

林子贛答

寡君之願也

昔晉人伐衛

在定八年

齊為衛故伐晉冠氏喪車五百

杜在

定九年冠氏陽平館陶縣○為于偽反冠如字又古喚反

因與衛地自濟以西禚

媚杏以南書社五百

二十五家為一社籍書而致之○濟子禮反禚諸若反

吳

人加敝邑以亂

在八年

齊因其病取謹與圍

亦在八年

寡君

是以寒心

林齊待衛厚待魯薄魯君是以寒心而恐懼

若得視衛君之事

君也則固所願也成子病之乃歸成

杜病其言也

公孫宿

以其兵甲入于羸

林羸齊邑避魯也

○衛孔圉取大子蒯瞶

之姊生慄

杜孔圉孔文子也蒯瞶姊孔伯姬○蒯苦怪反瞶魚怪反慄苦回反

孔氏之

豎渾良夫長而美

林豎小臣也○長下文反又如字

孔文子卒通于

內

杜通伯姬

大子在戚孔姬使之焉

杜使良夫詣大子所○使所更反又如字

大子與之言曰苟使我入獲國服冕乘軒三死無與

杜冕大夫服軒大夫車三死死罪三。○無與音預。

與之盟為請于伯姬。杜良夫為

請。閏月良夫與太子入舍于孔氏之外圃。杜圃昏。

二人蒙衣而乘。

杜二人太子與良夫蒙衣為婦人服也。○乘繩證反下同。

寺人羅

御如孔氏孔氏之老樂寧問之稱姻妾以告。

自稱婚姻家妾

遂入適伯姬氏既食孔伯姬杖戈而先太子與五人

介與玃從之。

杜介被甲與親豚欲以盟。○玃音加。

迫孔悝于廁強盟之

杜孔氏專政故劫孔悝欲令逐亂。○強其文反。

遂劫以登臺樂寧將飲酒炙

未熟聞亂使告季子

季子子路也為孔子氏宰。○炙章夜反下同。

召獲駕

乘車

杜召獲衛大夫駕乘車言不欲戰。召上照反。

行爵食炙奉衛侯輒來

奔季子將入遇子羔將出

子羔衛大夫高柴孔子弟子將出奔

曰門已

閉矣季子曰吾姑至焉

杜且欲至門

子羔曰弗及不踐其

難

杜言政不及已可不須踐其難。難乃旦反下同。

季子曰食焉不辟其難

謂食孔氏祿

子羔遂出子路入及門公孫敢門焉

守門

曰無

入為也

言輒已出無為復入

季子曰是公孫也求利焉而逃其

難由不然

林言此公孫敢也既求其利祿又逃其禍難我不如此

利其祿必救

其患有使者出乃入

杜因門開而入使所吏反

曰夫子焉用孔

惺雖殺之必或繼之

杜言已必繼孔惺為難攻大子○焉于虔反

且曰大

子無勇若燔臺半必舍孔叔

林孔叔即孔惺若燔燒所居臺之半必懼而舍

孔惺○燔音煩舍音捨又如字

大子聞之懼下石乞孟廩敵子路二

子○廩音廩敵當也○廩於咸反

以戈擊之斷纓子路曰君子死冠不

免

杜不使冠在地○斷丁管反

結纓而死孔子聞衛亂曰柴也其

來由也死矣孔惺立莊公

杜莊公蒯聩也

莊公害故政

林蒯聩既

立以輒之臣執政者為已害

欲盡去之先謂司徒瞞成曰寡人離

病于外久矣子請亦嘗之歸告褚師比欲與之伐公

不果

杜比褚師聲子為明年購成奔起。購莫干反。

經王

十有六年春王正月己卯衛世子蒯聩自戚入于

衛。衛侯輒來奔。

書此春皆從告。

二月衛子還成出奔宋。

即購成。還音旋。

○夏四月己丑孔丘卒。

杜仲尼既告老去位猶書卒者魯之

君臣宗其聖德殊而異之魯襄二十二年生至今七十三也四月十八日乙丑無己丑己丑五月十二日日月必有誤林孔子卒孔子作春秋終于獲麟之一句公羊穀梁經是也弟子欲記聖師之卒故採魯史記以續夫子之經而終于此丘明因隨而作傳終于哀公從此已下無復經矣。

傳十六年春購成褚師比出奔宋。

欲伐莊公不果而奔。

衛侯使鄆

武子告于周

杜武子衛大夫肸也。鄆子晚反。

曰蒯瞶得罪于君父

君母逋竄于晉晉以王室之故不棄兄弟寘諸河上

杜河上戚也。

天誘其衷獲嗣守封焉使下臣肸敢告執事

王使單平公對曰肸以嘉命來告余一人往謂叔父

余嘉乃成世復爾祿次敬之哉

杜總父之世還居君之祿次。單音善嘉

乃成世絕句。

方天之休

杜言天方受爾以休。

弗敬弗休悔其可追

傳終

蒯瞶之事。

○夏四月己丑孔丘卒公誅之曰旻天不弔不

愍遺一老俾屏余一人以在位

杜仁覆閔下故稱旻天弔恤也愍且也俾

使也屏蔽也。誅力軌反。說文云謚也。屏必領反。

煢煢余在疚。嗚呼哀哉。尼

父無自律。

杜疾病也。律法也。言喪尼父無以自為法。煢求營反。父音甫。

子贛曰君

其不沒于魯乎。夫子之言曰。禮失則昏。名失則愆。失

志為昏。失所為愆。

林昏亂者必失其志。愆過者必失其所。

生不能用死

而誅之。非禮也。稱一人非名也。

天子稱一人。非諸侯之名。

君兩失

之。○六月衛侯飲孔悝酒于平陽。

杜東郡燕縣東北有平陽亭。○飲于

鵠反。重酬之。大夫皆有納焉。

杜納財賄也。

醉而送之夜半而

遣之。

夜半者慙負孔悝不欲令人見。

載伯姬于平陽而行。

林孔悝被遣載其母。

俱去及西門杜平陽門使貳車反柁于西圃杜使副車還取廟主西圃孔氏

廟所在柁藏主石函柁音石子伯李子初為孔氏臣新登于公升

大請追之林請追遇載柁者殺而乘其車杜子伯殺

許公為反柁林許公為人姓名杜孔悝怪載遇之林

伯子于道曰與不仁人爭明無不勝杜不仁人謂子伯季

勝必使先射林必使子伯先射以驗射三發皆遠許

為許為射之殪杜傳言子伯不仁所以死也。速于萬反或以其車從杜

公為從才得柁于橐中孔悝出奔宋。楚太子建

之遇讒也自城父奔宋

在昭十九年
○父音甫

又辟華氏之亂

于鄭

在昭二十年
○華戶化反

鄭人甚善之又適晉與晉人謀襲

鄭乃求復焉鄭人復之如初

林鄭人復子建
待之如初時

晉人使

謀于子木請行而期焉

杜請行襲鄭之
期子木即建也

子木暴虐于

其私邑邑人訴之鄭人省之得晉謀焉遂殺子木其

子曰勝在吳子西欲召之葉公曰吾聞勝也詐而亂

無乃害乎

杜葉公子高沈諸
梁也○葉始涉反

子西曰吾聞勝也信而

勇不為不利

林不為害
人之事

舍諸邊竟使衛藩焉

使為藩
屏之衛

○竟音境下同

葉公曰周仁之謂信

也周親

率義之謂勇

也率行

吾聞勝也好復言

言之所許必欲復行之不顧道理○好呼報反

而求死士

殆有私乎

杜私謀復讐

復言非信也期死非勇也

杜期必也

子

必悔之弗從召之使處吳竟為白公

杜白楚邑也汝陰褒信縣西南

有白亭林楚邑

請伐鄭子西曰楚未節也

言楚國新復政令猶

未得

節制不然吾不忘也他日又請許之未起師晉人伐

鄭楚救之與之盟勝怒曰鄭人在此讐不遠矣

林比子西

于鄭人言我欲復讐不遠在鄭而近在子西矣

勝自厲劒子期之子平見之

曰王孫何自厲也

林子期即公子結

曰勝以直聞不告女庸

為直乎將以殺爾父平以告子西子西曰勝如卵余

翼而長之

林言勝如鳥之卵我如鳥覆翼而長育之。女音汝長丁丈反

楚國第

杜用

士之次第

我死令尹司馬非勝而誰勝聞之曰令尹之狂

也

林令尹謂子西狂易妄言

得死乃非我

言我必殺之若得自死我乃不復成人

子

西不悛勝謂石乞

杜石乞勝之徒。悛七全反

曰王與二卿士

杜二

卿士子西子期

皆五百人當之則可矣乞曰不可得也

杜五百人

不可得

曰市南有熊宜僚者

林熊宜僚勇士也居于市之南

若得之可

以當五百人矣乃從白公而見之與之言說告之故

辭

杜告欲作亂宜條辭距之。說音悅

承之以劒不動

杜按劒指其喉

勝曰不

為利諂不為威惕不洩人言以求媚者去之吳人伐

慎白公敗之

杜汝陰慎縣也。為子偽反

請以戰備獻

杜與吳戰之所得鎧

杖兵器皆備而獻之欲因以為亂

許之遂作亂秋七月殺子西子期

于朝而劫惠王子西以袂掩面而死

葉于

子期曰昔

者吾以力事君不可以弗終

林不可不終于所事

抉豫章以殺

人而後死

杜以效其多力豫章大木。抉鳥穴反

石乞曰焚庫弒王不

然不濟

林楚府庫以息觀觀
弒惠王以絕觀望

白公曰不可弒王不祥

焚庫無聚將何以守矣乞曰有楚國而治其民以敬

事神可以得祥且有聚矣何患弗從葉公在蔡

蔡遷
州來

楚并
其地方城之外皆曰可以入矣子高曰吾聞之以險

微幸者其求無饜偏重必離

杜險猶惡也所求無饜
則不安譬如物偏重則

離敗欲須其
斃而討之

聞其殺齊管修也而後入

管修楚賢大
夫故齊管仲

之後聞其殺
賢知其可討

白公欲以子閭為王

子閭平王子
啟五辭王者

子閭

不可遂劫以兵子閭曰王孫若安靖楚國匡正王室

而後庇焉啓之願也敢不聽從若將專利以傾王室

不顧楚國有死不能

不能從

遂殺之

林遂殺子閭

而以王如

高府

高府楚別府

石乞尹門

杜為門尹

圍公陽穴宮負王

林圍公陽

楚大夫穴高府以如昭夫人之宮

杜昭夫人王母越女

葉公亦

至及北門或遇之曰君胡不胄國人望君如望慈父

母焉盜賊之矢若傷君是絕民望也若之何不胄乃

胄而進又遇一人曰君胡胄國人望君如望歲焉

歲年

穀也

日月以幾

杜冀君來幾音冀

若見君面是得艾也

杜艾安也○艾

魚廢反又五蓋反

民知不死其亦夫有奮心猶將旌君以徇

于國

林民知脫于死亡其亦皆有奮發討罪之心猶將旌表葉公以徇告楚國之人也

而又

掩面以絕民望不亦甚乎乃免胄而進

杜言葉公得民心

遇

箴尹固帥其屬將與白公

杜欲與白公并

子高曰微二子者

楚不國矣

杜二子子西子期也柏舉之敗二子功多

棄德從賊其可保乎

乃從葉公使與國人以攻白公白公奔山而縊其徒

微之

林微匿也白公之黨共匿其尸○與一本作興謂興發也

生拘石乞而問白

公之死焉對曰余知其死所而長者使余勿言

杜長者謂

白公也。○曰不言將烹乞曰此事也。林白公克則為

卿不克則烹固其所也何害乃烹石乞王孫燕奔潁

黃氏。杜燕勝弟潁黃吳地。○燕烏賢反。沈諸梁兼二

事。林沈諸梁即葉公子。國寧。杜寧安也。乃使寧為令尹。西

之子子使寬為司馬。之子期而老于葉。傳終言之。○

衛侯占夢嬖人。林以能占求酒于大叔僖子。僖子大

大音泰不得與卜人比而告公曰君有大臣在西南

隅弗去懼害。杜託占卜夢而乃逐大叔遺遺奔晉。○

衛侯謂渾良夫曰吾繼先君而不得其器若之何

國之

寶器輒皆將去

良夫代執火者而言

杜將密謀屏左右

曰疾與亡君

皆君之子也召之而擇材焉可也

林疾太子疾也亡君出公輒也言二

人皆莊公所生之子召輒擇其有材者立之

若不材器可得也

杜輒若不材可廢其

身因得其器

豎告太子

杜太子疾

太子使五人輿黻從已劫公

而強盟之

盟求必立已強其文反

且謀殺良夫公曰其盟免三

死

杜盟在十五年

曰請三之後有罪殺之公曰諾哉

左傳杜林合注卷四十九

欽定四庫全書

左傳杜林合注卷五十

明

王道焜

趙如源 同編

哀公四

傳

癸亥

十七年春衛侯為虎幄于藉圃

杜于藉田之圃新造幄幕皆以虎獸

為飾

成求令名者而與之始食焉

林始食以落其成○成絕句

天子

請使良夫

以良夫應為令名

良夫乘東甸兩牡

東甸一轅脚車

紫衣

狐裘

紫衣君服

至

林至虎幄

袒裘不釋劒而食

杜食而熟故偏袒亦不敬○袒

音但

大子使牽以退數之以三罪而殺之

杜三罪紫衣祖裘帶劍

○三月越子伐吳吳子禦之笠澤夾水而陳越子為

左右句卒

句卒鉤伍相著別為左右屯。陳直觀反句古侯反

使夜或左或右

鼓譟而進吳師分以御之越子以三軍潛涉當吳中

軍而鼓之吳師大亂遂敗之

杜左右句卒為聲勢以分吳軍而三軍精卒并

力擊其中軍故得勝也

○晉趙鞅使告于衛曰君之在晉也志

父為主

林志父趙鞅名言我實主莊公

請君若大子來以免志父

林請

莊公來朝或使大子來朝以免我于罪

不然寡君其曰志父之為也

杜恐

晉君謂志父
教使不來

衛侯辭以難太子又使栾之

杜栾訴父欲速得其

處○難乃且反

夏六月趙鞅圍衛齊國觀陳瓘救衛

林國觀國書之

子陳瓘陳恒兄
○觀王喚反

得晉人之致師者子玉使服而見之

杜釋凶服服其本服林子玉即陳瓘

曰國子實執齊柄而命瓘曰無辟

晉師豈敢廢命

欲必敵晉

子又何辱

杜言不須來致師自將往戰

簡子

曰我卜伐衛未卜與齊戰乃還

杜畏子玉

○楚白公之亂

陳人恃其聚而侵楚

杜聚積聚也

楚既寧將取陳麥楚子

問師于大師子穀與葉公諸梁子穀曰右領差車與

左史老

林二人皆楚大夫

皆相令尹司馬以伐陳其可使也

杜言此二人皆嘗輔相子西子期伐陳今復可使。帥所類反相息亮反下同

子高曰率賤

民慢之懼不用命焉

杜右領左史皆楚賤官。率所類反下同

子穀曰觀

丁父都俘也武王以為軍率

杜楚武王都音若

是以克州蓼

服隨唐大啟羣蠻彭仲爽申俘也文王以為令尹實

縣申息

杜楚文王滅申息以為縣

朝陳蔡封畛于汝

開封畛北至汝水。畛之

忍反一音真

唯其任也何賤之有子高曰天命不諂

諂疑也。諂徒

乃令尹有憾于陳

杜十五年子西伐吳陳使貞子弔吳以此為恨

天若亡之

其必令尹之子是與

林天意若欲亡陳其必與子西之子以為功

君盍舍

焉

杜舍右領與左史○舍音捨又音赦

臣懼右領與左史有二俘之賤

而無其令德也

林二俘謂觀丁父彭仲爽

王卜之武城尹吉

武城尹子

西子公孫朝

使帥師取陳麥陳人御之敗遂圍陳秋七月

己卯楚公孫朝帥師滅陳

終鄭裨竈言五及鶉火陳卒亡

王與葉公

枚卜子良以為令尹

枚卜不斥言所卜以令龜子良惠王弟

沈尹朱曰

吉過于其志

杜志望也

葉公曰王子而相國過將何為

相過

將為王也

他日改卜子國而使為令尹

杜子國寧也

○衛侯夢

于北宮見人登昆吾之觀

杜衡有觀在古昆吾氏之虛今濮陽城中。觀工喚

反被髮北面而譟曰登此昆吾之虛縣縣生之爪縣縣

爪初生也良夫言已有以小成大之功若余為渾良

夫叫天無辜

本盟當免三死而并數一時之事為三罪殺之故自謂無辜

公親筮

之胥彌赦占之

杜赦衛筮史

曰不害

林言所夢不害于事

與之邑寘

之而逃奔宋

言衛侯無道卜人不敵以實對懼難而逃也

衛侯貞卜

正卜夢之

吉其繇曰如魚窺尾

杜窺赤也魚勞則尾赤繇直又反窺救呈反衡流而

方羊裔焉

杜橫流方羊不能自安裔水邊言衛侯將若此魚。衡華育反又如字方蒲郎反

大國滅之將亡闔門塞竇乃自後踰

此皆縣辭

冬十月晉

復伐衛

春秋未得志故

入其郭將入城簡子曰止叔向有言

曰怙亂滅國者無後

不欲乘人之衰

衛人出莊公而與晉平

晉立襄公之孫般師而還十一月衛侯自鄆入般師

出

辟蒯瞶也音班鄆音絹

初公登城以望見戎州戎州戎邑問之

以告

林問此何地從者以戎州告

公曰我姬姓也何戎之有焉

杜言

姬姓國何故有戎邑翦之

翦壞其邑聚

公使匠父

久不休

公欲逐石圃

杜石圃衛卿石惡從子

未及而難作辛巳石圃因匠氏攻公公

閉門而請弗許踰于北方而隊折股

終如卜言乃自後踰。隊直類

反戎州人攻之太子疾公子青踰從公

杜青疾弟

戎州人

殺之

林殺太子疾公子青

公入于戎州已氏

已氏戎人姓。已音紀又音祀

初

公自城上見已氏之妻髮美使髡之以為呂姜鬕

呂姜莊公

夫人鬕髮也。髡苦存反鬕大計反

既入焉而示之璧曰活我吾與女

璧已氏曰殺女璧其焉往遂殺之而取其璧衛人復

公孫般師而立之十二月齊人伐衛衛人請平立公

子起

起靈公子。音汝焉於虔反

執般師以歸

林般師乃晉所立故執以歸

舍

諸潞

杜潞齊邑

○公會齊侯盟于蒙

杜齊侯簡公弟平公教也蒙在東莞蒙陰

縣西故蒙陰城也

孟武伯相齊侯稽首公拜齊人怒武伯曰

非天子寡君無所稽首武伯問于高柴曰諸侯盟誰

執牛耳

執牛耳尸盟者相息亮反

季羔曰鄆行之役吳公子姑

曹

杜季羔高柴也鄆衍在七年

發陽之役衛石魋

杜發陽鄆也在十二年石魋石

曼姑之子

武伯曰然則蕢也

蕢武伯名也鄆衍則大國執發陽則小國執據時執者無

常故武伯自以為可執

○宋皇瑗之子麋

杜瑗宋右師麋九皮反

有友曰

田丙而奪其兄鄆般邑以與之

林奪鄆般邑以與鄆田丙○鄆仕感反

般慍而行告桓司馬之臣子儀克

杜克在下邑與魍魎故在

不子

儀克適宋告夫人曰麋將納桓氏公問諸子仲

杜子仲皇

野初子仲將以杞姒之子非我為子

杜為適子杞姒子仲妻

麋

曰必立伯也

伯非我兄

是良材子仲怒弗從故對曰

林皇野對

公右師則老矣不識麋也

杜言右師老不能為亂麋則不可知

公執之

執麋皇瑗奔晉

林執其子故瑗懼禍出奔

召之

復召令還

傳甲十八年春宋殺皇瑗公聞其情

林景公徐聞其情實

復皇氏

之族使皇緩為右師

杜言宋景公無常也緩瑗從子

○巴人伐楚圍

鄭

林巴近楚小國鄭楚邑。鄭音憂。

初右司馬子國之卜也。觀瞻曰

如志

杜子國未為令尹時卜為右司馬得吉兆如其志。觀瞻楚問卜大夫觀從之後。

故命之

杜命以為右司馬。

及巴師至將卜帥王曰寧如志何卜焉

杜寧

子國也。帥所類反。

使帥師而行請承

承佐

王曰寢尹工尹勤先

君者也

柏舉之役寢尹吳由于以背受戈工尹固執燧象奔吳師皆為先君勤勞。

三月楚

公孫寧吳由于遂固敗巴師于鄭故封子國于析君

子曰惠王知志

杜知用其意。○遂干委反。

夏書曰官占唯能蔽志

昆命于元龜

林舉虞書大禹謨杜逸書也。官占卜筮之官蔽斷也。昆後也。言當先斷意後用。

龜也。其是之謂乎？志曰：聖人不煩卜筮，惠王其有焉。

杜不

疑故不卜也

○夏衛石圃逐其君起，起奔齊。

齊所立故

衛侯輒

自齊復歸逐石圃。

林以圃逐兩君故逐之

而復石魋與大叔遺

皆蒯贖所逐

傳

乙丑

十九年春，越人侵楚，以誤吳也。

誤吳使不為備

○夏，楚公

子慶公孫寬追越師，至冥不及，乃還。

杜冥越地

○秋，楚沈

諸梁伐東夷。

越報

三夷男女及楚師盟于敖。

杜從越之夷三種教

東夷地

○冬，叔青如京師，敬王崩，故也。

杜言敬王能終其世終養弘言

東王必大克叔青叔還子林案左氏敬王崩在此年
世族譜云敬王四十二年崩敬王子元王十年春秋
之傳終矣則敬王崩當在哀十七年史記周本紀及
十二諸侯年表敬王四十二年崩子元王仁立則敬
王是魯哀十八年崩也六國年表起自元王及本紀
皆云元王八年崩子定王介立是魯哀公之二十七
年與杜預世族譜為異又世本云魯哀公二十年
是定王介崩子元王赤立衆說不同未詳其正也

傳
丙寅

二十年春齊人來徵會夏會于廩丘為鄭故謀伐

晉

杜十五年晉伐鄭。廩丘甚反為于偽反下同。

鄭人辭諸侯

林不敢伐晉

秋師

還

終叔向言晉公室卑

○吳公子慶忌驟諫吳子曰不改必亡

弗聽

杜吳子弗聽

出居于艾

杜艾吳邑豫章有艾縣。艾五蓋反。

遂適楚聞

越將伐吳冬請歸平越遂歸欲除不忠者以說于越

吳人殺之

杜言其不量力。說如字又音悅。

○十一月越圍吳趙孟

降于喪食

杜趙孟襄子無恤時有父簡子之喪林飲食又降于居喪

楚隆曰三年

之喪親暱之極也主又降之無乃有故乎

杜楚隆襄子家臣

趙孟曰黃池之役先主與吳王有質

杜黃池在十三年先主簡子質

盟信也

曰好惡同之今越圍吳嗣子不廢舊業而敵之

嗣子襄子自謂欲敵越救吳

非晉之所能及也吾是以為降

林吳晉相

距甚遠非晉力之所能及也我是以為降于喪食

楚隆曰若使吳王知之若

何趙孟曰可乎隆曰請嘗之

杜嘗試也

乃往先造于越軍

曰吳犯間上國多矣聞君親討焉諸夏之人莫不欣

喜唯恐君志之不從請入視之

林請入吳而視其動息○造七報反間間

廁之間

許之告于吳王曰寡君之老無恤

林大夫稱老無恤裏子名

也使陪臣隆敢展謝其不共

杜展陳也○共音恭

黃池之役君

之先臣志父

林即趙簡子

得承齊盟曰好惡同之今君在

難無恤不敢憚勞非晉國之所能及也使陪臣敢展

布之王拜稽首曰寡人不佞不能事越以為大夫憂

拜命之辱與之一簞珠

杜簞小筍。難乃旦反。

使問趙孟

問遺也。

曰句踐將生憂寡人寡人死之不得矣

林言句踐將使我生受其

憂患我雖欲為之死不可得矣。句古侯反。

王曰溺人必笑吾將有問也

杜以自喻所問不急猶溺人不知所為而反笑。

史黯何以得為君子

林史黯即晉大

史蔡墨也。杜晉史黯云不及四十年吳當亡。吳王感問此也。

對曰黯也進不見惡

時行則行

退無謗言

時止則止

王曰宜哉

林宜其為君子也。

傳

丁卯二十一年夏五月越人始來

越既勝吳欲霸中國始遣使適魯。

○

秋八月公及齊侯邾子盟于顧齊人責稽首

杜責十七年齊

侯為公稽首不見答顧齊地因歌之曰魯人之阜數年不覺使我

高蹈

杜臯緩也高蹈猶遠行也言魯人卑緩數年不知答齊稽首故使我高蹈來為此會

唯其

儒書以為二國憂

杜二國齊邾也言魯據周禮不肯答稽首令齊邾遠至

是行

也公先至于陽穀

杜先期至也

齊閭丘息曰君辱舉玉趾

以在寡君之軍

杜息閭丘明之後林先至齊地故言在寡君之軍

羣臣將傳

遽以告寡君比其復也君無乃勤為僕人之未次

林為

魯君僕從之人未有次舍。傳中戀反比必利反為于偽反

請除館于舟道

舟道齊地

辭曰敢勤僕人

杜不取勤齊僕為魯除館

傳戊辰

二十二年夏四月邾隱公自齊奔越曰吳為無道

執父立子越人歸之太子草奔越

邾隱公八年為吳所囚十年奔齊

○冬十一月丁卯越滅吳

杜越自二十年吳至是滅之

請使吳王

居甬東

甬東越地會稽句章縣東海中州也○甬音勇

辭曰孤老矣焉能事

君乃縊越人以歸

以其尸歸終史墨子胥之言也○焉于虔反

傳已

二十三年春宋景曹卒

杜景曹宋元公夫人小邾女季桓子外祖母

季

康子使冉有弔

林冉有季氏家臣

且送葬曰敝邑有社稷之

事使肥與有職競焉

肥康子名競遽也○與音預

是以不得助執

紼

林送葬者必執紼

使求從輿人

杜求冉有名輿衆也

曰以肥之得備

彌甥也

彌遠也康子父之舅氏故稱彌甥

有不腆先人之產馬使求

薦諸夫人之宰

林薦進也進諸夫人之宰不敢斥尊

其可以稱旌繁乎

稱舉也繁馬飾繁纓也終樂祈之言政在季氏○繁步干反

○夏六月晉荀瑶伐

齊

荀瑶荀躒之孫知伯襄子

高無平帥師禦之知伯視齊師

林智伯即

荀瑶

馬駭遂驅之曰齊人知余旗其謂余畏而反也及

壘而還將戰長武子請卜

杜武子晉大夫

知伯曰君告于天

子而卜之以守龜于宗祧吉矣吾又何卜焉且齊人

取我英丘君命瑤非敢耀武也治英丘也

杜治齊取英丘○守

手又反

以辭伐罪足矣何必卜壬辰戰于犂丘

杜犂丘隰也

齊師敗績知伯親禽顏庚

杜顏庚齊大夫顏涿聚

○秋八月叔

青如越始使越也越諸鞅來聘報叔青也

○使所吏也

傳

庚午

二十四年夏四月晉侯將伐齊使來乞師曰昔臧

文仲以楚師伐齊取穀

在僖二十六年

宜叔以晉師伐齊取

汶陽

在成二年

寡君欲徼福于周公願乞靈于臧氏

以臧氏世

勝齊故欲乞其威靈

臧石帥師會之取廩丘

石臧賓如之子

軍吏令繕

將進

杜晉軍吏也繕治戰備

萊章曰君卑政暴

杜萊章齊大夫林晉君卑小晉

政暴虐

往歲克敵

禽顏庚

今又勝都

取廩丘

天奉多矣又焉

能進是讒言也

林讒過也是過謬不信之言也。焉于度反讒戶快反

役將班

矣

林言晉之役已將班遠

晉師乃還

林果如萊章之言

餼臧石牛

杜生曰餼

大史謝之

杜晉大史大音泰

曰以寡君之在行

杜在軍行

牢禮不

度

杜不如禮度

敢展謝之

杜終臧氏有後于魯

邾子又無道越人

執之以歸

杜終子贛之言

而立公子何何亦無道

何大子革弟

○

公子荆之母嬖

荆哀公庶子

將以為夫人使宗人釁夏獻

其禮

林宗人禮官霽夏名使獻立夫人之禮

對曰無之公怒曰女為宗

司立夫人國之大禮也何故無之對曰周公及武公

娶于薛

杜武公殺也女音汝

孝惠娶于商

杜孝公稱惠公弗皇商宋也林稱商

避定公諱也

自桓以下娶于齊

杜桓公始娶文姜

此禮也則有

林君

娶列國之女則有此禮

若以妾為夫人則固無其禮也公卒立

之以荆為大子國人始惡之

杜惡公○惡鳥路反

○閏月公

如越得大子適郢

杜適郢越王大子得相親說也

將妻公而多與之

地公孫有山使告于季孫季孫懼使因大宰嚭而納

賂焉乃止

杜詬故吳臣也季孫恐公因越討已故懼○妻七計反詬普美反

傳

辛未

二十五年夏五月庚辰衛侯出奔宋

杜衛侯輒也

衛侯

為靈臺于藉圃與諸大夫飲酒焉褚師聲子戰而登

席

林聲子即褚師比古者見君解戰

公怒辭曰臣有疾異于人

杜足有創

疾

若見之君將殽之

殽嘔吐也○殽許角反又許各反

是以不敢

不敢

戰

公愈怒大夫辭之不可

杜共辭謝公公不可解

褚師出公戰

其手

杜使其手屈肘如戟形

曰必斷而足聞之褚師與司寇亥

乘曰今日幸而後亡

恐死以得亡為幸○斷丁管反乘繩證反

公之入也

林在十

奪南氏邑

杜南氏子南之
子公孫彌牟

而奪司寇亥政公

使侍人納公文懿子之車于池

杜懿子公文要公有
忿使人殺其車于池

水初衛人翦夏丁氏

在十
一年

以其帑賜彭封彌子

杜彭
封彌

子彌子瑕
帑音奴

彌子飲公酒納夏戊之女嬖以為夫人其

弟期大叔疾之從孫甥也

杜期夏戊之子姊妹之孫
為從孫甥與孫同列。飲

于鴆反大音泰從
如字又才用反

少畜于公以為司徒夫人寵衰期

得罪公使三匠父公使優狻盟拳彌

優狻狻優也拳
彌衛大夫使狻

優盟之欲恥辱
也。少時照反

而甚近信之故褚師比

戰登
席者公孫彌

年

喪邑者

公文要

失車者

司寇亥

奪政者

司徒期

林得罪者

因三

匠

杜久沒者

與拳彌

林優狃盟者

以作亂

皆執利兵

無者執斤

斤工匠所執

使拳彌入于公宮

信近之故得入

而自太子疾之宮

林太子疾蒯聵太子也時疾已死故宮尚存

譟以攻公鄆子士請禦之

鄆子

士衛大夫鄆音絹

彌援其手曰子則勇矣將若君何

林言不可救

不見先君乎君何所不逞欲

杜先君蒯聵也亂不逞奔故為戎州所殺欲令

去且君嘗在外矣豈必不反當今不可衆怒難犯休

而易間也

林輒出奔嘗以十八年復歸故言豈必不反其國當今不可與爭衆之方怒必不可

犯衆怒休息而後易間。○
易以鼓反間間厠之間

乃出將適蒲

蒲近晉邑

彌曰晉

無信不可將適郵

郵齊晉界上邑彌詐不知謀故公信之

彌曰齊晉爭

我不可將適冷

冷近魯邑冷力丁反

彌曰魯不足與請適城

鉏

杜城鉏近宋邑

以鉤越越有君

林宋南近越轉相鉤牽越句踐方強故言有君

乃

適城鉏彌曰衛盜不可知也請速自我始乃載寶以

歸

杜欺衛君言君以寶自隨將致衛盜請速行已為先發而同載寶歸衛也

公為支離之

卒

支離陳名

因祝史揮以侵衛

揮衛祝史

衛人病之懿子知之

杜知揮為內間

見子之

杜子之公孫彌牟文子也

請逐揮文子曰無罪懿

子曰彼好專利而妄

杜妄不法
好呼報反

夫見君之入也將

先道焉

杜若見君有入
勢必道助之

若逐之必出于南門而適君

所

杜雖知其為君間
不審察私共評之

夫越新得諸侯將必請師焉揮

在朝使吏遣諸其室

難而逐之
先逐其家

揮出信弗內

再宿為
信○內

如字又
音納

五日乃館諸外里

外里公
所在

遂有寵使如越請

師

杜請師代
衛求入

○六月公至自越

前年行
今還

季康子孟武

伯逆于五梧

杜魯南
鄙也

郭重僕

為公僕○重直
龍反又直用反

見二子

曰惡言多矣君請盡之

二子不臣之言甚多
欲使公盡極以觀之

公宴于

五梧武伯為祝

祝上壽酒

惡郭重曰何肥也

杜謦毀其貌惡烏路反

季孫曰請飲殽也

杜飲罰之飲于鵠反

以魯國之密邇仇讐

臣是以不獲從君克免于大行又謂重也肥

言重隨君遠行

劬勞不宜稱肥從才用反又如字

公曰是食言多矣能無肥乎

以激三桓

之數飲酒不樂

林言語相猜故飲酒失歡

公與大夫始有惡

為二十七年公孫邾起

傳

申

二十六年夏五月叔孫舒帥師會越皐如后庸宋

樂茂納衛侯

杜舒武叔之子文子也皐如后庸越大夫樂茂宋司城子潞衛侯輒也

○茂扶

廢文子欲納之

林文子即彌牟

懿子曰君慢而虐少待之必

毒于民乃睦于子牟

林言衛君慢狠而暴虐若少待之必貽毒于吾民民畏君虐乃

親睦于子矣

○慢皮逼反師侵外州大獲

越納軌之師

出禦之大敗

衛師

敗

掘褚師定子之墓焚之于平莊之上

杜定子褚師比之父也平

莊陵名也

文子使王孫齊私于皐如

杜齊衛大夫王孫賈之子昭子也

曰

子將大滅衛乎抑納君而已乎皐如曰寡君之命無

他納衛君而已文子致衆而問焉曰君以蠻夷伐國

國幾亡矣請納之衆曰勿納曰彌牟亡而有益請自

北門出

林文子自言若我出亡而有補于衛國請自衛北門以出奔杜欲以觀衆心。幾音祈又

音機衆曰勿出

林衆方親睦于文子故使勿出

重賂越人申開守陴而

納公

杜申重也開重門而嚴設守備欲以恐公使不敢入。○陴毗支反

公不敢入師

還立悼公

悼公蒯賸庶弟公子黠也

南氏相之

林南氏即公孫彌牟。○相息亮反

以城鉏與越人公曰期則為此

杜司徒期也林言遂君之事司徒期為之

令苟有怨于夫人者報之

杜夫人期姊也怒期而不得加戮故勅宮女令苦困

期姊。○令力呈反

司徒期聘于越

杜為悼公聘

公攻而奪之幣期

告王

杜越王也

王命取之期以衆取之公怒殺期之甥之

為大子者

忽期而及其姊為夫人者遂復其夫人之子

遂卒于越

終言之也終敘

夷言死

○宋景公無子取公孫周之子得與啓畜諸

公宮

杜周元公孫子高也得昭公也啓得弟畜養也

未有立焉于是皇緩為

右師皇非我為大司馬皇懷為司徒

皇懷非我從昆弟

靈不

緩為左師

不緩子靈國龜之後

樂莠為司城

莠樂溷之子

樂朱鉏為

大司寇

朱鉏樂乾之子

六卿

林右師大司馬司徒左師司城大司寇

三族降聽

政

杜三族皇靈樂也降和同也

因大尹以達

大尹近官有寵者六卿因之以自通達于

君

大尹常不告而以其欲稱君命以令

杜不告君也

國人

惡之司城欲去大尹左師曰縱之使盈其罪

杜盈滿也。惡

烏路反

重而無基能無敝乎

杜言勢重而無德以為基必敗也

冬十月

公游于空澤

空澤宋邑

辛巳卒于連中

連中館名

大尹興空澤

之士千甲

甲士千人

奉公自空桐入如沃宮

杜奉公尸也梁國虞縣東

南有地名空桐沃宮宋都內宮名

使召六子曰聞下有師君請六子

畫

林言下國將有師張宋君請六卿共畫計策

六子至以甲劫之曰君有

疾病請二三子盟乃盟于少寢之庭曰無為公室不

利大尹立啓奉喪殯于大宮三日而後國人知之司

徒蒞使宣言于國曰大尹惑蠱其君而專其利今君

無疾而死死又匿之是無他矣大尹之罪也

言大尹所弑。

少詩照反大宮音泰

得夢啓北首而寢于盧門之外

林得即昭公景公所

畜公孫周之子也杜廬門宋東門北首死象在門外失國也。

首手又反已為烏而集于

其上

林得又自夢身化為烏而集于啓之上

味加于南門尾加于桐門

曰余夢美必立

林味鳥啄也杜桐門北門。

味張又反大尹謀曰我不

在盟

杜少寢盟但以君命盟六卿大尹不盟

無乃逐我復盟之乎

林復與六

卿為盟而後可

使祝為載書六子在唐孟

地名

將盟之祝襄以

戴書告皇非我

杜襲祝名

皇非我因子潞

杜子潞樂茂

門尹得

杜樂得

左師謀曰民與我逐之乎

林言宋國之民與我親暱何不逐大尹

皆歸授甲使徇于國曰大尹惑蠱其君以陵虐公室

與我者救君者也衆曰與之大尹徇曰戴氏皇氏將

不利公室

戴氏即樂氏

與我者無憂不富衆曰無別

惡其號令

與君無別。別彼列反

戴氏皇氏欲伐公

公謂啓

樂得曰不可彼

以陵公有罪

林彼謂大尹

我伐公則甚焉使國人施于大

尹

杜施罪于大尹

大尹奉啓以奔楚乃立得司城為上卿盟

曰三族共政無相害也。衛出公自城鉏使以弓問

子贛且曰吾其入乎子贛稽首受弓對曰臣不識也

林言臣不識其所由入

私于使者曰昔成公孫于陳

僖二十八年衛成公

奔楚遂適陳。使所吏反孫音遜

甯武子孫莊子為宛濮之盟而君

入杜盟在僖二十八年。濮音卜

獻公孫于齊

在襄十四年。孫音遜下同

子鮮

子展為夷儀之盟而君入

杜在襄二十六年

今君再在孫矣

杜謂十五年孫魯今又孫宋

內不聞獻之親外不聞成之卿

林內而兄

弟則不聞有獻公推轂之義外而諸臣又不聞有成公盡忠之卿

則賜不識所由入

也詩曰無競惟人四方其順之

杜詩周頌言無強惟得人也林按詩大雅

抑詩周頌烈文詩並有此二句皆作四方其訓之

若得其人四方以為主

杜為

主主而國于何有

四方

傳

癸酉

二十七年春越子使后庸來聘且言邾田封于貽

上

杜欲使魯還邾田封竟至貽上。貽他來反又音臺

二月盟于平陽

西平陽

三

子皆從

季康子叔孫文子孟武伯皆從后庸盟

康子病之

杜恥從蠻夷盟

言及

子贛

思子贛

曰若在此吾不及此夫

杜不及與越盟林蓋子贛十二年嘗

辭吳盟故思之。夫音扶

武伯曰然何不召曰固將召之文子曰

他日請念

言季孫不能用子
贛臨難而思之

○夏四月己亥季康子

卒公弔焉降禮

禮不備也言
公之多妄

○晉荀瑶帥師伐鄭次

于桐丘

林荀瑶即
知襄子

鄭駟弘請救于齊

弘駟
欲子

齊師將興

陳成子屬孤子三日朝

屬會死事者之子使朝
三日以禮之○屬音燭

設乘

車兩馬繫五邑焉

杜乘車兩馬大夫服又加
之五邑○乘繩證反下同

召顏涿

聚之子晉曰隰之役而父死焉

杜隰役在
二十三年

以國之多

難未女恤也今君命女以是邑也服車而朝毋廢前

勞乃救鄭及留舒違穀七里穀人不知

杜言其整也
留舒齊地違

去也。○難乃旦反。
女音汝母音無

及濮雨不涉

濮水在陳留酸棗縣
傍河東北經濟陰至

高平

子思曰大國在敝邑之字下是以告急今師不

行恐無及也

杜子思國參

成子衣製杖戈

製雨衣也。衣于旣反。

立

于阪上馬不出者助之鞭之

杜軍中之馬畏而不肯出者助軍人鞭其馬

知伯聞之

林即知襄子

乃還

畏其得衆心

曰我卜伐鄭不卜敵

齊使謂成子曰大夫陳子陳之自出陳之不祀鄭之

罪也

十七年楚獨滅陳非鄭之罪蓋知伯誣陳子故陳子怒謂其多陵人

故寡君使瑤

察陳衷焉

林衷善也謂晉君使已察陳之善以討鄭罪

謂大夫其恤陳乎

若利本之顛瑤何有焉

杜言陳滅于己無傷

成子怒曰多陵人

者皆不在知伯其能久乎

林言人之多侵侮他人者皆不在其位知伯陵人

如此其能久于其位乎

中行文子告成子

杜文子荀寅此時奔在齊。行戶即反

曰有自晉師告寅者將為輕車千乘以厭齊師之門

則可盡也成子曰寡君命恒曰無及寡無畏衆

林寡弱者

無陵暴之衆強者無畏避之

雖過千乘敢避之乎將以子之命告

寡君

杜成子疑其有為晉之心也。輕遣政反厭于甲反又于輒反。

文子曰吾乃今

知所以亡

杜自恨已無知

君子之謀也始衷終皆舉之而後

入焉

杜謀一事則當慮此三變然後入而行之所謂君子三思

今我三不知而入

之不亦難乎

悔其言不可復

○公患三桓之侈也欲以諸侯

去之

杜欲求諸侯師以逐三桓

三桓亦患公之妄也故君臣多間

杜

隙也

公游于陵阪遇孟武伯于孟氏之衢曰請有問于

子余及死乎

問已可得

對曰臣無由知之三問卒辭

不對公欲以越伐魯而去三桓秋八月甲戌公如公

孫有陘氏

杜有陘氏即有山氏

因孫于邾乃遂如越國人施公

孫有山氏

林施罪于有山氏以公自其家出故也終子贛之言若不沒于魯○因孫音遜○

悼之四年晉荀瑶帥師圍鄭

悼公哀公之子寧也哀公出孫魯人立悼公

未至鄭駟弘曰知伯愎而好勝早下之則可行也

杜行

去也林早服而為之下則可以去其師○好呼報反下戶嫁反乃先保南里以待之

林保守也南里在城外知伯入南里門于桔秩之門鄭人俘鄆

魁壘

杜鄆魁壘晉士○桔戶結反扶入結反鄆戶圭反

賂之以知政

欲使反為鄭

閉其口而死

林晉魁壘閉口不答而死將門

杜攻鄭門知伯謂趙孟入

之對曰主在此

主謂知伯言主在此何不自入

知伯曰惡而無勇何

以為子

杜惡貌醜也簡子廢嫡子伯魯而立襄子故知伯言其醜且無勇何故立以為子

對

曰以能忍恥庶無害趙宗乎知伯不悛趙襄子由是

悉知伯


悉毒也。悛七全反。悉其翼反。

遂喪之知伯貪而復故韓魏

反而喪之

史記晉懿公之四年魯悼公之十四年知伯帥韓魏圍趙襄子于晉陽韓魏反與趙

氏謀殺知伯于晉陽之下在春秋後二十七年。喪息浪反。



左傳杜林合注卷五十